



信

勺

柳田文庫
文庫11
A1184
1



文庫11
A1184
/

戊戌孟春新鐫

天保三十六家絕句

浪華 種玉堂藏梓

善菴 詩佛 花亭 五山 蘭溪 蕉窓
雲山 星巖 隨齋 中如 鷗嶼 柳灣
松南 海屋 棕隱 齋如 鷺軒 鸞江
絹州 大麓 招月 藿里 松窩 朴齋
山陽 小竹 淡自 春草 研嶽 南琴
霞裳 雲嶺 梅坡 岳洲 嶽嶽 山

天保三十六家絕句序
壯歲告凶至米斗三子錢餓孺相
望於路地方官吏皆奔走勞頓食
不下咽噫天保如何時乎後之視
天保猶今之視天朋特知其困弊
騷擾身豈知累洽之餘人不盡凍
飢猶有品風月詠花草優游卒歲

天保三十六家絕句序上

天保三十六家絕句目錄
不適衆口而能自尤拙懼道人或
不相為掩而刪之諸名家間也乃
書此為序而與之柔北澗灘之築
暢月教生暇書於江都二谷邸舍
之寓樓鐵研學人齋蓀蓀

貫齋大野善書

柳田泉文庫

天保三十六家絕句目錄

上卷 廿五首

善菴 卅二首

花亭 卅一首

蘭溪 廿五首

雲山 廿八首

隨齋 卅四首

鷗嶼 廿四首

中卷

柳灣 廿七首

松南 廿一首

詩佛 廿七首

五山 卅四首

蕉窻 十八首

星巖 廿八首

中如 十八首

天保三十六家絕句目錄

海屋 廿四首 梭隱 三十首

蕙齋 三十首 鏡軒 廿四首

鸞江 十八首 緡洲 廿一首

大麓 廿九首 招月 廿六首

麓里 廿五首 默菴 廿六首

朴齋 廿五首

下卷

山陽 卅五首 小竹 廿五首

南梁 廿五首 春草 廿五首

天松廬 廿一首 溪琴 廿八首

霞裳 廿一首 雲嶺 廿四首

梅坡 廿四首 岳洲 卅一首

研嶽 廿六首 南山 廿四首

總計三十六家絕句共九百廿五首

又

朝簪擲却避風塵不用棲棲勞此身獨向深山採藥去
草根亦自有君臣

無題

錦囊秘訣好持身休道何方是救民兀自仙家無妙術
唯能點鍊作金銀

江村秋晚

霜黃露白秋初老十里江邨刈稻忙日暮纔收農具去
如鎌新月挂枯楊

天翁三下田道中

籃輿坐睡下長坡泉石烟霞幾個多自笑平生無勝具
每逢山水夢中過

雨夜聞蟲

東西走遍心如鐵人是人非馬耳風獨有閑愁消未盡
蟲聲併在雨聲中

歸家

百苦千辛行路難敝廬歸去始開顏一宵穩臥床頭夢
又在水郵山驛間

秋陰

近水遙山帶濕雲秋陰漠漠送涼氛殘蚊一隊春無力

善菴

天保三十三家絕句卷上

三

又比前宵減二分

欲雪

朝來欲雪前山暗雲脚重重凝不開只有病身先會得
已添了木護庭梅

春郊

嫩晴天色自融融草氣如烟日正中君儻要知文化洽
請看牧馬臥春風

春朝

滿街車馬曉喧闐無事閑身獨晏然日已三竿猶未起
梅花帳裏聽鶯眠

送釋生荀歸越後兼約秋日重來

上野櫻花墨多月何知一別作空期白雲逸性此郎在
重約無心出岫時

野景

連朝雲雨太濛濛出向郊頭試險豐知得西成終有日
千邨萬落稻花風

正月十七日開講依例講孝經講畢有感因賦

曾無一日供甘旨追慕至今思不窮莫道先生顏尚厚
抱經幾度泣春風

秋夕不寐

善菴

天保三十三家色力卷三

三

竹簟藜牀夢不成臥聽四壁亂蛩聲詩情一段清於水
惹起閑愁對月明

秋村晚况

寒村經過又荒原一望蕭條野色昏葉盡秋風無所著
摠將全力捲蓬根

春雨

餘寒幾日閉簾幃高臥不知春色歸細雨連朝霑漸足
青苔一夜上柴扉

柳

輕黃萬縷柳絲新雨後風前曬麴塵亦是化機工手段

鶯梭織出滿城春

下田竹杖

風定潮頭平若席布帆不動夕陽船女兒能慣風潮候
指道明朝到品川

庚辰歲暮

壯懷英氣盡消磨自覺光陰疾以梭昨日春花今夕月
一年又是等閑過

山溪避暑

溪深不受暑光侵四面山環夏木森一點無風涼自足
綠陰如水滴衣襟

咏胡枝花

風輕小朵參差亂露重柔條婀娜垂
嫋嫋嬌姿支不得
霜前碎散紫瑠璃

墨菊

微官拋却且歸休
一掬清風三徑秋
金紫從來非所慕
好投白社混緇流

盆蘭

蘭芽移種碧瓷盆
偏愛孤苗守舊根
幽谷無人猶自可
也隨時世入朱門

首夏

深院無人晝寂然
閑身淨奈日如年
困來斜倚欄干坐
一吼新蚊過耳邊

槐陰

浮利浮名心已灰
三台何必擬三台
臥床移去新陰下
也怕南柯入夢來

題詩佛老人墨竹

彩筆何須更寫真
墨君風操是天民
虛心忽現圓通相
詩道場中佛化身

辛卯元旦試筆

老子平生見事遲
向人猶誦去年詩
四十有九今朝過

善菴

上合字恐槐

借問昨非知不知

燒香

春來久負梅花約一炷清香養小病殘夢朦朧醒猶未
羅浮山下又重過

風竹

百尺長松蟠半空傲然自許木中公此君生得虛心甚
一笑低頭拜下風

月梅

月上書窓花影移橫斜寫出幾枝枝痴心欲與梅為地
不向素屏題小詩

詩佛先生大窪行

字天民一號江山翁常陸人著有詩聖堂集西遊北遊再北遊等集

大和堀氏莊宅二詠

北闕當年克賊滿九重宮殿委塵埃一間茅屋懸崖下
曾作金城鍊壁來帝座

一口洪鐘楠氏物寂然無語掛崔嵬不知當日發聲響
破得幾多兒膽來楠氏陣鐘

作盆池戲題

海上清風湖上月壯遊千里去探奇歸來一笑寒窓下
貼石埋盆作小池

詩佛

初夏早起

杜鵑聲在夢中聞，起呼茗椀洗餘醺。方覺夏宵宵漸短，博山猶宿夜來雲。

觀蓮節招客

風流惟學傅花會，不學佳人解語杯。紫茄綠芋青荷飯，珍重諸君侵曉來。

賀茗溪老人七十

茗溪老人惟嗜茗，朝烹暮烹夜亦烹。洗空七十年塵垢，兩腋清風仙骨輕。

六十二自賀

兩鬢雖摧氣尚全，健如黃犢是前緣。君恩幸自無官守，許秉江山風月權。

五月雨多

五月雨多宜勸農，不堪冷氣逼心胸。生衣更換熟衣取，裏面私添一二重。

秋雨殘荷圖

秋聲和雨送淒涼，零落殘荷滿沼香。可恨畫工無意思，不留一葉蓋鴛鴦。

閑遊到處小留

小春時節好晴天，三尺枯筇一百錢。翠竹山房紅葉寺，

柴門無客綠苔封，竹簟風微涼氣濃。睡起不知天近午，
淡紅已上醉芙蓉。
閑裏乘閑拖瘦筇，夕陽溪水浸魚缸。嬋娟倒照芙蓉影，
便是吾家濯錦江。

海莊冬晴

海岬池臺晴色開，小春天氣似春回。詩情偶向閑中得，
睡思或從暄處成。

冬夜爐邊小飲

滿爐撥拙未成灰，煨了渾頭煨芋魁。不道先生孤寂甚，
一兒二女對脚盃。

冬日新晴郊行

夜來地上寸餘霜，融作郊村嫩日光。柳帶微風如弄色，
梅含輕煖欲吹香。
樵歌牧笛太平象，烏帽青衫隱者裝。商人見慣不相怪，
又醉橋邊舊酒坊。

六月朔新庄道中望烏海山

曉風猶覺袷衣寒，一帶松林十里山。正是江城餐雪日，
來望烏海白孱顏。

泛八龍湖

一帆直欲訪蓬瀛，天水澄鮮鏡面平。碧海舍人相接伴，

詩佛

卷之三 家範 句 卷止

風標公子亦逢迎

七十自賀

鮮衣炫路轎生風名刺爭投紅袋中老我如今無此事
寫詩僅署七十翁
屠蘓到手不嫌遲鞭得聰明忘却機耳目依然齒無恙
七十如我亦應稀
老顛醉墨與君看飛電驚蛇競筆端腕力于今猶健在
一揮千紙未為難

花亭先占岡本成

字子省一歸豐州又甄省
翁江戶人著有花亭集

新竹圖

余時就官

新承雨露嫩梢垂與柳同柔此一時待看風霜搖落日
直竿蒼勁挺然姿

萬歲樂

逢逢拍節土伶歌為感驩虞恩澤多二百年來軍鼓絕
太平基創自三河

士嶽圖

玉容端正九霄間獨立無爭氣象閒標得舍仁君子國

花亭

卷之三

九

百蠻遙欲仰名山

杜鵑叫月圖

夏立新鵑叫過時居人喜聽旅人悲夜來齊破兩家夢
月照水精花一籬

鴛鴦宿水圖

寶帳圍林累錦裯夜情多冷失歡人鴛鴦不受孤栖苦
眠著水池也夢春

達摩圖

余時在軍

久矣跣跣面壁禪工夫我亦有同然與君耐性試相較
曾守一官三十年

浚河雪航圖

文化辛未年朝鮮信使來館對馬余以職事
往夜下浚河雪月清妙賦詩數首以紀事今
退閒觀此圖宛然真景恍然夢境因錄舊作
上臆者一首又一首次韻言況云

雪霽長川百里程官船眠下浪華城夜深月悄無人影
夢破泐堤喝道聲

喝道舟行雪月程當年官跡達婆城間身今日重尋夢
好見嗟未賣食聲

畫菊

花亭

天保三三三象絕句卷上

十

紫桑舊宅已荒來却向人間處處栽逢得清時重九日
幾回曾傍戰場開

金錢花圖

未被豪門盡斷將貧家隨分貯芬芳花神新幣誰言惡
鑄出純金許樣黃

羅隱詩若教此物亦故貯應被豪門盡斷將

歸去來圖

運移典午失神輿僅有紫桑尺土餘自若幽香霜下菊
孤根終不被人鋤

十八學士真影

圖列登瀛十八容早分忠佞見心蹤諸賢正視皆前向

反面人唯許敬宗

當日儒班等拖紳他年史冊各分倫文皇勅旨閭令畫
中着李猫同傳人

宋太祖召見竇儀圖

豈唯禮服見儒臣正已宜臨億兆民無奈君王創業始
黃袍倉卒遣加身

倉初良反

李太白畫像

所天相奉士農同改嫁敢辭恩詔隆可見正人教有素
多君孤女守家風

太白坐永王事不害其為正人余別有論

常盤雲行圖

花亭

宋史李太公家世

才否孩提未可知興亡天運豈能期夫讐奉帝腸何轉
難學貞松耐雪枝

實盛戰沒圖

北陸殉平身錦戰衣如於東海更增輝士川不洗頭絲
墨漬却平軍水鳥飛

閨秀吟詩圖

檀口吟成錦繡篇柔荑弄筆染紅牋內言慎不出閨相
生怕外人偷寫傳

致仕相公福山侯賜親筆詩書畫謹跋二首

左右逢原三絕才滿襟清興激松煤妙工自是非凡手

曾把陰陽變理來

勁葉高抽美蔭垂似嫌攀附直無枝朝天巨帚掃塵罷

好與清風明月期

棕桐挂月圖
公臨棕軒

廉塾圖

三塾相臨一水清金湯難敵擁書城及門人在春風裡
花底柳陰絃誦聲

重題黃葉村夕陽村舍圖

白頭感憶舊交歡淚眼何勝展畫看人去
一村黃葉夕陽寒

畫山水

花亭

天孫三三三

十三

戴雪孤蓬何處來連村春水夕陽開櫓聲漸近香風徹
知是柴舟載野梅

一棹舟歸荻岸陰漁篝影少夜深沈西風黃葉水村冷
月在中天誰搗砧

禱西

水性含仁大日東地鍾靈泐八方同不生禽獸害人者
逢着山君唯西中虎

高處極身韻自清清風儘好奏希聲繁音聒耳被人厭
莫謾苦吟鳴不平蟬

外面夜叉瞋怒相滿頭毛髮豎如針忽開口笑何歡喜

無是中藏菩薩心果德

稻梁養足更高飛肯信人間歲大飢極在君王池沼上

爾曹亦得有光輝見雁

孫康映雪圖

唔咿映雪苦精神學業多成自耐貧畫燭煌煌寶鑑暖
者邊却欠讀書人

遊仙圖

遊遍虛空極八垠駕虹驂霓轉飄輪俯看寰海如杯勺
唯見醯雞不見人

南化華蝶圖

花亭

卷之三

又三

風流遊戲玩花情，栩栩微蟲亦達生。可見莊叟自謙意，大言不說夢為鵬。

五山先生池桐孫 字無絃一號娛庵讚岐人著有五山堂集

明妃

君王為國要和親，賤妾可能辭苦辛。驕胡不用將軍鉞，蛾眉一斧足清塵。

李英公

粥火親燃為老嫗，于思數燎紫將無。早知他日灰和藥，肯使君王減御鬚。

陳圖南

一笑跨驢還舊山，野花啼鳥畫眉閑。如今已繫驢仙藉，

五山

天保三王家絕句卷上

十三

乞與三峯亦是閑

駱駝三首

馴養如羊任撫摩，一封當背紫坡陀。自能奇畜足資博，不笑熱場看駱駝。跼躄西來萬里餘，廟堂無路負當初。知風知水渾閑事，只解看錢博幾車。峯勝熊蹯毛勝狐裘，溫饌美復何須服。勞捨汝真癡物，一覽兩全供我無。

觀琉使

士女滿街挨不開，爭觀琉使入城來。白頭先被傍人問，

看到這番知幾回。

元日口號

快意莫如元旦晴，烏輪生處彩雲擎。昨宵燈下看梅眼，移向岳蓮殊覺明。

花朝舟中

岼柳堤花西裏開，船窓春色滴尊罍。翩翩孤蝶飛過水，知是誰園逃撲來。

花後出城

林鳩聲裡午晴開，無復殘紅糝徑苔。一榻茶烟人寂寞，誰能趁此綠陰來。

初夏

絲鎖軒窗雨始收，輕寒未送木綿裘。家人昨夜裁縫久，見說新鷓啼過樓。

盆池養科斗

游泳盆池頭尾分，有時匝匝簇沈雲。看來只是知丁字，窮竟何曾解古文。

荷錢

鑄來只合買詩愁，榆荚莓苔獨耐傳。始識薰風是循吏，江湖滿地見錢流。

池端書事

水寺鐘鳴門鑰收，夜涼借榻竟無由。蘋風菰月人歸盡，附與流螢秉燭遊。
繞亭荷氣有餘清，烟暝汀禽無夢驚。留客只能知卜晝，免教風月入臺評。

盆荷

西湖十里去，觀蓮誰信盆池別。有天鴈鷗達人何見，解田田却愛疊青錢。

謝豁上人惠筍

平生嗜筍奈饒何，忽辱驅來出竹坡。晚食居然參玉板，腹中禪味已知多。

驅役風塵何似生

元日牡丹四首

伊表
倉山

朶朶祥雲迎日紅，高張翠幙護霜風。獻春第一雍熙象，只在太平樓閣中。

朝回兩袖染天香，不待銀幡忝寵光。造化分身隨處現，花王至竟是東皇。

似與東風別有因，椒花柏葉且爭新。誰思國色朝酣酒，仍是三杯婪尾春。

三元恰得狀元紅，薰滿檀香氣欲融。何用今朝祝如願，十分富貴在其中。

新年雜述五首

節二

太平妝點是兒童，男女遊嬉到處同。彩鞠跳梁不離地，紙鳶跋扈欲凌空。

年節逢場酒更加，蹒跚歸去近昏鴉。又尋隣巷投名紙，便是今朝已了家。

除夜書感

以下二首
喪內後作

中饋無人歲已殫，老懷此夕欲排難。寒燈照我鬢鬢影，枉作孤鸞對鏡看。

秋夜

珍簟冰紋睡不成，西窻落月下三更。今宵最是難過夜，

五山

秋夜

五山

絡緯啼時無婦驚

山村冬暮

梯田繞屋晚禾稠，苦忍磨磨來作憂。
一板鳴溪響如砲，山村防暴足奇謀。

赴詩佛老人宅尚齒會

耆英今日會群賢，晚進寧思班末筵。
且為東都脩故事，枉教鄭兵入圖傳。

蘭溪先生西島長孫

字元齡江戶人著有湖梅庵四時雜興

春寒勒花

剪剪輕風不斷霜，花神困頓懶成粧。
應今紅紫一時放，是尔天公省事方。

雪夜陪飲冠山老侯婦次小占

踏破瓊瑤與膝齊，龍鐘醉步失東西。
尺前寸退如沙路，雪得平生屐齒泥。

首夏溪居

桑黥初熟麥人肥，日午携筐提鉉歸。
守舍兒眠呼不起

蘭溪

天保三三三卷上

十八

一雙翡翠出窓飛

早夏雜詩

牽牛盆種待秋芳，命竹扶來半尺強。欲滌雨泥污脚葉，水盤兼喚退鋒郎。

秋宵露坐

銀河淡淡不彌空，病骨新蕪滿袂風。怪得樓頭人墜扇，梧桐一葉月明中。

筍

稚龍不樂久泥蟠，猶恨挾風行。雨難一夜潭中當路臥，誰將鱗甲解為冠。

田家晚懣

暫休酸脚叩柴關，樹裏頽陽明滅間。燒炭人歸風寂寂，吹將殘靄過他山。

落葉

楮衾菊枕得眠遲，叩戶恰如雨作時。從此秋聲無處着，唯留宿鳥守閑枝。

雨後

風戰井梧知晚晴，書餘鍊句倚軒楹。石凹殘水不盈掬，時有雀兒來浴鳴。

苦雨夜坐

蘭溪

誰樓更鼓寂無聞，檐雨浪浪欲夜分。
讀徹窓書人不寐，秋燈隔紙見殘蚊。

初冬偶題

閏年寒意刻期新，此際難呼做小春。
紅日滿窓人始起，一條霜水下梧身。

初冬閑居三首

老來常倦夜如年，尤喜容光到几邊。
風過庭柯無葉落，吹將井氣入茶烟。

午日嬋妍暖似烘，中餐飽後四肢融。
紙窓一面分明影，松針叢叢刺落楓。

幾種盆蘭移在堂，中庭昨夜正繁霜。
鼎茶聲裏抄書罷，三尺活檐無夕陽。

出郭值雨

旗亭買醉借簑行，村雨纖纖雪未成。
腐葉沈為爵頭色，一渠流水慢無聲。

雪朝

窓外雪晴林日紅，紙屏圍合尚朦朧。
兒童已挾兔園冊，讀破先生打睡中。

晏起

枕邊狼藉倒尊壺，淡日臨窓鳥互呼。
容易春晴難印可，

蘭溪

天保三十三家續集卷一

二十一

柳陰花影復將無

戊子中元

羹飯齋供祀祖初招魂人客到僧廬腐儒何誦冥文去
一盞秋燈讀父書

秋宵露坐

一榻風涼如在舟時蟲啾唧暫無休水痕山影渾岑寂
月落殘河猶照秋

七月十八日驟雨口占

快雨得風侵戶斜青林忽失萬蟬譁秋棠蔭石萱依砌
先幽牽牛竹尾花

家塾湯釜

麻啖困眼借茶權正是嫩晴乍暑天半板兒書猶未熟
冬青花落午風前

晚過羽田渡

鳧渚鴈汀秋霧催渡船將發復姑回招招涉子遙相語
知有村人衝黑來

春草

雨後青青沒繡鞋吳宮風物入春懷採香徑裏人歸去
拾得西施七寶釵

題謝大傅對奕圖

蘭溪

天保三三三
三三三
三三三
三三三

十一
三十一

舞容愛惜舊風流

芭蕉

數尺芳心抽刺天，春雷已動色初全。從今無用人間紙，
書破深青一葉箋。

薔薇花

長條搖曳走青虬，滿架胭脂表裏稠。何事天工紅錦段，
縫餘鍼刺不曾收。

杜鵑花

低叢叢裡認紅痕，杜宇啼時花滿園。他日莫逢殷七七，
重陽風露冷芳魂。

木犀花

月圓何年分，一根人間秋色返。香薷滿枝，金屑依然亂，
猶認吳剛斧鑿痕。

月下美人

天開月鏡照粧樓，鬢髮欽雲嬌似羞。二八冶容三五影，
嬋娟一樣媚清秋。

江村訪友分韻

一綫草枯霜有痕，野航通路水渾渾。幽人閉戶秋為表，
寂寞江邊紅葉村。

瓶中菊花分韻

蕉窓

天保三十三家絕句卷上

三十一

初冬

前圃迎冬景漸遷，新霜發日遍。籬邊芭蕉憔悴，猶瀟洒。宛是維摩病裏禪。

小春觀楓

江楓染盡幾霜晨，葉葉欺花十月春。試飲浸枝紅處水，要為繡口錦腸人。

雲山先生宮澤雉

字神遊，一號淺草寺南禪客。秩父人，著有桂花香裏詩。

移竹

此君久已立溪濱，蕭洒風流不受塵。帶醉移來何所似，長安市上謫仙人。

牽牛花

清晨爽氣與人宜，正是碧花霑露時。薄霧今朝如有意，故遮紅日照來遲。

新梧清畫圖

夏淺新梧葉漸加，高枝嫩綠染窓紗。深院鈎簾人靜坐，

雲山

天保三十三家雜詩卷上

十五

一甌蟹眼煮頭茶

送晉亭婦肥前

一夜秋風吹客衣，孤燈挑得捲書幃。無端讀到登樓賦，夢落江村舊釣磯。

春夜宿水母寺

古寺花開春寂寂，長堤人去夜沈沈。今宵不恨天無月，一簇櫻雲照水潯。

墨水

秋江水漲碧溶溶，身坐扁舟一葉中。無數輕鷗來作伴，知他閑意與人同。

如練澄江如葉舟，採來蘆渚蓼灣秋。幽期更在玻璃月，今戶橋邊賣酒樓。

日落江天萬態生，吟邊佳趣有餘清。歸鴉棲樹林先暗，睡鷺立沙洲尚明。

滿江風月點塵無，清賞如同赤壁蘓。我有一枝聲畫筆，矮牋描寫勝遊圖。

春雨晚晴

如酥小雨晚初晴，群卉欣欣畫向榮。楊柳池塘春水綠，杏花村落夕陽明。

贈荷道人

雲山

天保三三三
稼飽向卷上

十六

四弦彈破滿城春，楊柳梅花入曲新。但有崑崙東市在，方知善本是神人。

鴨脚山房賞海棠

鴨脚部頭年未老，雲山琴史髯將霜。驅除措大寒酸氣，紅錦層蘓賞海棠。
蜀錦新聘趙解愁，香霏閣上按涼州。高鈞吟箔燒銀燭，半照紅粧半白頭。

桐生

農家收稻村村急，機屋飛梭戶戶同。堪笑閑人無一事，來遊耕織西園中。

箱根

探勝遠來雲洞間，亂峯重疊水灣環。不知殘暑鑠金石，夜聽溪聲晝看山。

客中十三夜

光景不知如去驟，酒場詩社逐清酣。醉裏黃花過重九，吟邊月影到十三。

贈覓貼兒

當年李涉辱知聞，風雨蕭蕭江上村。何料春城花月夜，遊人叢裡又逢君。

堀田原

雲山

硬弓貫革滿如月，怒馬翻杯奔似龍。演武從來非我事，
教場只愛草茸茸。

淺草雜詠

翠閣紅樓連水涯，重三雙七競豪華。嬌葩滿地春如海，
誰賞長堤十里花。

羣履少年紛似林，買春爭擲幾多金。別有老人花底活，
萬蛾眉拜一觀音。

畫樓何處不紅粧，士女游觀若堵牆。放翁謾說成都勝，
曾有多情活海棠。

買得綺羅裝裡春，水雲幽處避紅塵。五湖風景今猶在，

一葉扁舟載美人。

十里珠簾二分月，豪華何復數揚州。誰知酒碧燈紅地，
元是鳧眠鷺立洲。

乙未初夏，河米菴邀檀宇林公筠澗烏居公於
賜谷別墅，余亦忝陪遊，因賦五絕紀喜。

滿城車馬競豪華，爭賞姚黃魏紫花。何及名園泉石畔，
閑遊盡日弄烟霞。

洗硯池清引貴遊，蘭亭雅會憶千秋。雖無峻嶺崇山勝，
自有茂林脩竹幽。

雅尚高人與俗殊，林泉邀客共清娛。不須紅粉污吟席，

七月十二日同子成有終巨海諸同人觀荷花
於柵掠湖得三絕句

載酒一年三度到同人無恙景依然梅花雪後桃花水
又及秋風茁茁天

淵容龍綃勞意匠天孫雲錦費經營何如此際三千幅
盡是風裁月染成

飄搖風影倩誰扶香露彈人細欲無絕似開元河滿子
盈眸愁淚送明珠

後十日重過柵掠湖時夜黑荷氣數條襲人彼
羨愛而不見悵然有作

絡角星河夜未央青荷恨汝鏡無光凌波仙子在何處
黯澹只吹羅襪香

四皓圍碁圖

雪頂霜髯唱紫芝山中日月一杯碁留侯計策無多子
只把閑人賺戚姬

李泌二首

白衣今在黃衣側一品位尊仍道官借問恩沾雙顆味
何如嶽寺老僧殘

豈不能稱敬與美應無意救魯公囚十年宰相成何事
祇合山中啗芋頭

星巖

觀潮坂口號

匹馬匆匆往又還，征裘弊盡鬢蒼然。觀潮坂上重停轡，
一片寒光十七年。

宿植松氏宅話舊

一尊重碧話平生，靜夜深沈舊雨情。酒醒燈殘人未寢，
曉風已送驛鈴聲。

戲題梅花莊

博得閑錢家不貧，枝南枝北一般春。糟糠陂裏林和靖，
也為梅花作主人。

東叡山看花

山前山後一齊開，衰鬢尋春幾幾回。衰屐衰成年少樣，
不教花咲老僧來。
戀惜風華未擬回，生憎鐘磬苦相催。一輪紅日萬枝雪，
併被山僧敲落來。

雜言

多岐事出治無驗，秦漢弊風傳至今。五帝三王非異術，
只施仁澤買民心。

題畫絕句 有引

今茲乙未之秋在，足利蠻舍偶為一。止揮灑請者尋，
至余咲曰緯也。手腕太生况廢輟，年久縱使為之其。

醜可厭而君等欣賞不已是殆嗜菖蒲道者歟曰每
一圖成係以一絕句觀者可以知余與懷之所寄耳
慘澹圖成思有餘雲林何處是吾廬買山不得畫山賣
一咲先生生計踈

東走西馳鬢已斑百年能得幾多閒奇青峭碧筆頭湧
多是平生經歷山

烟雨濛濛秋已殘遠情羈思兩無端可憐零落一枝筆
幻出家山紙上看

北來無地不孱顏行盡朝嵐夕紫間從此匠心高一着
梁家粉本是毛山

客窓吮筆消閒晝何必倪迂黃太癡競秀二毛山萬疊
唯能對此有餘師

胸堂瀟灑本無塵筆底雲山一一真瓶盃家風能罵祖
維摩羅詰彼何人

余玉池寓居餘地皆藝菜亦貧家活計也十一
月五日以冬菜命題同諸子賦兼述懷

子月林園液雨滋烟芽露甲綠參差庾郎三九李侯二
未害貧厨併薦之

土酥津潤沁牙冷寒薤紛敷衝鼻香天欲昌詩消幾許
只教滿腹飽冰霜

傷指大啼真可嗤，逢心不食豈非癡。老根蟲葉復何撤，苟且堪餐餐勿遺。

鼎鼎調和勞大賢，吾曹無事只高眠。孟羹有此美芹快，獻與明君當幾錢。

玉本纔殘又玉延，朝昏牙頰響鏘然。不成一事頭斑白，咬菜仍須二十年。

戲題插花鏡

一雙每倒沙頭玉，百尺長沈井底銀。何物土瓶能大膽，要涵三萬六千春。

隨齋先主塩田華

字士邪一號巨瓢子伊勢人著有隨齋集

遊志州作

渺漫碧海繞青山，校雨量晴何日閑。一片布帆天外白，城中少婦望郎還。

青峰絕頂俯蒼莖，山盡天空海色長。何數雲夢吞八九，寸眸下瞰大東洋。青峯

詰曲山蹊上碧岑，遙船葉散海中春。天變連陰晴變，島樹汀烟淺又深。過塩屋嶺

小橋脩竹兩三家，十里青山一路斜。老犬怪人溪上吠，

隨齋

藍衫烏帽立梅花

迫子邨

經畫我軍防海營，炮臺高築與雲平。俄羅斯寇若窺境，

霹靂轟天碎水城。

島嶼縈環浦港迴，海門中斷一天開。紫瀾纔碎白波立，

百道驚風捲雪來。

南張

女郎搖櫓截洪濤，奔沫翻珠濺客袍。南紀山遙滄海濶，

寶陀峰雪刺天高。

濱嶋渡

曾無警火照沿邊，海角烽臺閑拂天。清世威風凜難犯，

不將勺水附皮船。

蟹戶鮫人聚作家，層厓疊嶂接平沙。春風微峭南州路，

開遍山茶樹樹花。

聖人峯下千山低，大王礁外萬里迷。昨宵投宿知何處，

浦雲隔在夕陽西。

蟹舍漁庵帶海濤，恠松根露斷巖高。遇人間路走相避，

一隊嚴裝佩兩刀。

自御壓赴片
田途中作

鼇山突兀雁鵬雲，鞞鞞琉求不可分。極目茫茫千萬里，

大東洋外湧初昕。

島雲銷盡放春晴，波截巖頭鴉亂鳴。東海日升金門燦，

波截浦鹿望

富山白雪半天明。掀舞如塵萬斛舟，盲風怪雨撲樞頭。東西不辨乾坤黑，

隨齋

天際幸三家絕句卷上

三十三

一點星燈是志州

百尺懸崖震萬雷，巨巖如撼雪濤堆。纔沿裏海平如席，
歸港漁舟棹月來。安乘

燈影依微暮靄橫，便風直向港門行。扁舟着岸月光白，
誤踏輕波鷺有聲。

千檣帆影海門頭，不是仙臺是薩州。忽見紅裙要客去，
竹枝歌起月中舟。暮抵的箭港

舟過春波灣復灣，白鷗相伴櫓聲閑。水天欲曉漁郎遠，
烟雨模糊兩岸山。賃舟的箭港石邊作

海南一路雨成泥，纔到山中雪滿蹊。云是二州分界地，

始知寒暖限東西。

雲烟漠漠晚山稠，雪作冰花結樹頭。點點石砭行不盡，

四十八曲亂溪流。石邊山中

墨水看花八首

纔見梢頭紅蓓蕾，忽驚樹底雪繽紛。年年芳候多相失，
始看開花到九分。

遊人四散我方來，落日紅明花爛開。行到軟塵全寄處，
香雲圍繞佛樓臺。

櫻花拖白望依稀，一道香雲鎖晚暉。過盡長隄田外立，
玉龍欲蹴水天飛。

隨齋

無風香動水精屏
嬌紅姹紫競娉婷
素質超塵水雪馨
垂下珠簾侍深夜
豪奢何必肉為屏

聞鴈

書劍年年滯海城
秋風纔動便傷情
蘆花月白烟波冷
今夜又聞新鴈聲

中如先生諸葛興卿

名或字興卿以字行江
戶人著有言者道人集

林亭書事

辛夷花發想平泉
楊柳陰濃夢輞川
措大原無鐘鼎分
茂松脩竹養風烟

早起澆花

起下荒階汲井華
子規聲裡漱晨霞
愛花非是甘勞碌
便把培澆養自家

贈賣花翁

胡蝶醒時翁亦起
翁追胡蝶蝶追翁
先生每日貪春睡

中如

聞賣花聲是夢中

庚寅元旦試筆

病夫嬾卧小隆中廿七韶光不負公倘問三分果何策
鶯花與我領春風

分題采芳帖得湊川楠公墓前櫻花

山花寂歷易飄零草木無情也慰靈堪想當時櫻井驛
倉皇忍淚別寧馨

讀唐紀

舊官拜佛事如何何事新臺却要他長髮纔過還剪髮
雲鬢誤事不勝多

題源語五十四帖抄二

霜葉紅於二月紅舞衣相映亂西風誰知雙袖龍鍾淚
寄在秋波一轉中紅葉賀

欲照深閨夢裡情流螢無數照階明莫教紈素輕揮去
一一檀郎記得清螢

題賴山陽山紫水明處

崇朝起伏獻峯雲盡日波瀾鳧水紋妙訣由來無別法
明窓指點細論文

答西人

平安四百八十寺浪華三百九十橋若問江都何所有

中如

天保三十三家絕句卷上

三十八

文人才士不寥寥

白秋海棠

不學濃妝揚太真，倣它淡抹鏡夫人。多情獨背西風睡，
嬾向菱花點絳脣。

夜下刀襴川

篷底人眠近五更，鞦韆間船脚碾沙行。篙師報道新河岸，
月白村園乳鴨聲。

告天子

短翼飛飛儘自由，一聲顧影下田疇。知渠也罷青雲志，
翻向菜花深處休。

題畫

正是寒郊欲雪天，吟鞭醉帽似乘船。長松十里江南路，
滿耳濤聲馬上眠。

閑遊

人生最樂啟期三，莫算嵇康七不堪。日日偷閑浪游遍，
花明江北又江南。

典衣

都城士女慣輕羅，典得猶當幾兩多。豈信山村桑貴日，
賣妻糶子養蚕蛾。

古寺秋暮

中如

天保三十三家絕句卷上

二十九

石門殘圯一蹊斜，枯木巉岼宿暮鴉。
香積堂前散金粟，秋風吹落木犀花。

梅豆

苦似書窓十年苦，酸同措大一生酸。
枉將鼎鑪調羹味，幫襯先生首着盤。

鷗嶼先生守村約

字希曾一字抱義江戶人
著有普陀落山房詩集

初夏即事

雨餘綠樹淨娟娟，也勝艷陽三月天。
燕語鶯聲皆老去，閑人詩思到啼鷓。

秋曉

檐鐸鏘然破曉風，秋芳園裏檢幽叢。
牽牛滿架花齊發，猶是隣人半夢中。

遊山

遠入翠微消盛夏，向來炎氣絕如無。
閑人勝地真相得，

活底溪山清暑圖

江島

蜃氣成樓別有鄉遊人來宿海中萬枝紅燭明如晝
閑却龍燈徹夜光

批把

昨夜夢中凌紫霞虛皇殿裏聽仙歌醒來試把玉環譜
亦是王家雀啣蛇

題小梅精舍

松門花徑無人到野水村橋有路通只言三尺書窓小
坐占平田萬頃風

梅雨

雨水煮茶當酒杯清風使尔釣詩媒知從密竹陰中取
猶帶涓涓淨氣來

病後看花

湯鼎藥爐過幾日登山雙屐滿塵埃今朝有喜君知否
病恰痊時花恰開

閑居

不嚼梅花三斗蕊誰知島瘦與郊寒詩成懶向人間售
一炷清香獨自看

贈菊塢

鷗嶼

天目三三定色司長上

四十一

釀花天氣雨濛濛，久負君家錦繡叢。
萬紫千紅多少樹，不知開到幾番風。

移菊苗

籬落移來菊幾枝，茸茸蒼蒼衆芳同。
秋風滿地黃金色，在此柔根嫩葉中。

蘆葉達磨圖

輕浮蘆葉自天涯，帶水拖泥不識賒。
將謂本來無一物，空將玉樹倚蒹葭。

畫鶴

十里珠簾二分月，繁華自古說揚州。
我有腰纏錢百萬

何時騎汝作豪遊

遊山雜詠

青巘丹崖幾座山，置身金碧畫圖間。
可惜溪橋斜照好，無人拾得一詩還。

題畫水仙

庭前冰齒梅猶未，池上紅衣蓮已枯。
半夜吟窓不堪寐，彩毫貌出水仙姝。

途中作

一條之字逐行長，百卉蕭蕭欲醉霜。
休道秋深吟最淡，蒼松翠竹映斜陽。

侵曉看櫻

滿路瑤葩帶露新
吟筇侵曉問江春
絕無陣粉圍香闌
看得名花色相真

蘭泉宇野秀穀公實校字

天保三十六家絕句上

010190522380

48-13221

